

फकीरी जीवत धुके मसाण कर लीजो निज छाण



फकीरी जीवत धुके मसाण,
कर लीजो निज छाण,
फकीरी जीवत धुके मसाण।bd।

छह दर्शण छतीसू पाखण्ड,
लग रही खींचातान,
उलट पड़े इण जुग रे माही,
जद पड़े थारी जाण,
फकीरी जीवत धुके मसाण।bd।

शीश काट लड़े कोई शूरा,
धड़ सू जुंझे आण,
आठहु पोर सोलवा गावे,
जद पड़े थारी जाण,
फकीरी जीवत धुके मसाण।bd।

अगम निगम दो बाणी कहिजे,
ऊबी करे बखाण,
राजा प्रजा दर्शण आवे,
धिन जोगिया रो भाग,
फकीरी जीवत धुके मसाण।bd।

अनंत कोटि संतजन ध्यावे,
नव नागा परियाण,
शूरा ताप सहे इण तप री,
कायर तज दे प्राण,
फकीरी जीवत धुके मसाण।bd।

ब्रह्म मिलण रा पट्टा लिखाया,
दिल बीच उगा भाण,
हरी राम बैरागी बोले,

सतगुरु मिलिया सजाण

समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



फकीरी जीवत धुके मसाण,
कर लीजो निज छाण,
फकीरी जीवत धुके मसाण।bd।

गायक – ओम वैष्णव ।
प्रेषक – रामेश्वर लाल पँवार, आकाशवाणी सिंगर ।
9785126052